

2014 年 4 月 10 日

「築福香港」 – 飲食派對

扶貧委員會社會參與專責小組

紀文鳳副主席致辭全文

(現代管理(飲食)專業協會)

1. 胡珠會長、何珮玲處長、李國雄董事長、各位朋友、各位老友記:
2. 大家好！
3. 首先我要代表扶貧委員會社會參與專責小組衷心感謝現代管理(飲食)專業協會同 百樂門宴會廳支持同響應「築福香港」飲食派對活動，今次四大飲食商會一共舉辦超過 130 場「飲食派對」，受惠對象係跨階層，受惠人數超過 12,000 位。淨係今日係百樂門宴會廳依度，在場已經有過百位老友記一同享受一個開開心心的下午茶。
4. 「築福香港」由今年一月開始，已經得到各界支持，登記活動超過 600 項，大大小小嘅活動好似贊助賀歲盃足球入場票，學童免費驗眼等等。
5. 今次「築福香港 – 飲食派對」，充分實現「築福香港」凝聚各方力量，推動「民、商、官」跨界別三方協作，建立守望相助，分享是福的社會文化。

6. 起初，我開始試下同胡珠會長同埋幾位飲食商會領導講「築福香港」的概念時，本來是希望他們支持2月長者月，不過，他們反而建議說要由2月做到7月，橫跨整個「築福香港」，我對他們的鼎力支持，十分感恩。

7. 大家知唔知道「築福香港」的標誌係由4個福字組成，你將張貼紙轉360度，就搵到晒！

8. · ，第一個福字代表惜福，凡事要珍惜。

第二個福字代表積福，就係多做好事。

第三個福字代表造福，就係你幫人，人幫你，大家守望相助。要知道「能夠幫人係你的福氣！」

做齊惜福，積福，造福，個人同社會當然就會得到幸福。為香港呢塊福地凝聚更多福氣！

9. 除了飲食派對之外，今個月，4月，係青年月，其中的旗艦項目係今個星期六在沙田大會堂舉行的「協青狂舞派對」，主要是由港大學生和協青社青年人共同製作，實行青年人撐青年人；日場係免費招待大家，大家有時間亦可以同埋孫仔，一同黎感受街舞文化。

10. 最後，喺呢度我祝願各位老友記，身體健康、萬事如意，全家幸福！

11. 多謝大家！

[708字，約三分鐘]